

吳詩集覽

冊一

吳郡書院

杜陵慈母成身錦應所...
多詩製為有收

吳詩集覽

蘇軾 下 蘇軾 文 溫 崇
蘇軾 吳 文 蘇軾 文 溫 崇
蘇軾 吳 文 蘇軾 文 溫 崇
蘇軾 吳 文 蘇軾 文 溫 崇

樂 浩

四倍謝要

四部備要

集部

上海中華書局據通行本

校刊

桐鄉 陸費達 總勘

杭縣 高時顯 輯校

杭縣 吳汝霖 校

丁輔之 監造

御製題吳梅村集

梅村一卷足風流
往復披尋未肯休
秋水精神香雪句
西岷幽思杜陵愁
裁成蜀錦應慚麗
細比春蠶好更抽
寒夜短檠相對處
幾多詩興爲君收

御製八平聲
癸亥八月十日主員吳林恭請

恩顧天恩
吳林恭請

天章不焚

皇土不焚

國恩不焚

聖恩不焚

詩恩不焚

樂恩不焚



乾隆辛酉夏恭讀

樂善堂全集有

御題臣曾祖父國子監祭酒吳偉業詩集七律一章伏念先臣遭逢

聖世畢生矻矻唯以文章上報

國恩下垂來葉茲復仰蒙我

皇上乙夜賜觀

天章下獎

恩寵永沾乎泉壤感激彌切於子孫敬冠簡端以誌優渥

乾隆八年歲在癸亥八月十日生員臣吳枋恭記

恭和

聖製題吳梅村集元韻

臣 靳榮藩

學海淵涵納細流

宸章赫奕許揚休共傳

天上元音出銷得江南萬古愁青史可憐詩碣在黃初誰並綵毫抽

嗣音只有新城老都向

君王卷裏收

其一 新城王文簡公亦有博學工詩之褒

祭酒詩篇壓勝流徵書鄭重早歸休南朝一月先投劾東觀重

來祇貯愁十子空傳餘響在

周子三弇切

未許積薪抽

王元美

詞源傾出婁淞水月滿江天宿霧收

其二

少陵詩格溯源流高唱能教衆籟休萬樹有花魂自洗一錢不

值骨應愁

萬樹梅花孰比隣淨洗梅魂句梅村自詠其詩也一錢不值見梅村詞

凌虛時入非非

想詠物猶將乙乙抽陶鑄古今歸大冶好知文苑此先收

其二

箋釋蟲魚歲序流檢書燒燭肯言休雌霓刊就成孤賞

依司馬溫公語

平寬借壯月更來可畔愁論世知人言外得窮源竟委架中抽爲

瞻

聖藻思揚
學註二都衆美收

隨點點出真水水自離五天宮露也 其二

來是難禁千千空對酒
十二食部用 未清熱毒由王元

爲國持節羅精氣過書聖堂早繼右南時 貝子好修東隱重

卷五

歸者只在豫州寄書四月十日生員 王 恭記

天音出餘畧云南萬古松書曳石樹精靈升黃野詣並雞亭林

赫奕指財利共輸

無疆內監

鹽吳縣林秉元贈

吳梅村先生行狀

太倉顧湄伊人

先生諱偉業字駿公姓吳氏吳爲崑山名族五世祖禮部主事諱凱高祖河南參政諱愈父子皆八十有重德其行事載吳中先賢傳中曾祖鴻臚序班諱南自禮部公以下三世皆葬於崑祖贈嘉議大夫少詹事諱議始遷太倉父封嘉議大夫少詹事諱琨以經行崇祀鄉賢祠母朱太淑人姪先生時夢朱衣人送鄧以讚會元坊至生先生有異質少多病輒廢讀而才學輒自進迨爲文下筆頃刻數千言時經生家崇尚俗學先生獨好三史西銘張公溥見而嘆曰文章正印其在子矣因留受業相率爲通經博古之學年二十補諸生未踰年中崇禎庚午舉人辛未會試第一殿試第二西銘公鄉會皆同榜文風爲之不變時有攻辛未座主宜興相者借先生爲射的莊烈帝御批其卷有正大博雅足式詭靡之語言者乃止授翰林院編修先生尙未授室給假歸娶當世榮之乙亥入朝充纂修官值烏程柄國先生與同年楊公廷麟輩挺立無所附烏程去武陵蘄水相繼入相先

生皆與之迕先是吾吳有奸民張漢儒陸文聲之事烏程實陰主之欲剽刃東南諸君子先生以復社著名爲世指目淄川傳烏程衣鉢先生首疏攻之直聲動朝右丙子主湖廣鄉試所拔多名士戊寅三月二十四日召對先生進端本澄源之論欲重其責於大臣而廣其才於庶寮乃昌言曰冢臣職司九品若冢臣所舉不當何以責之臺省輔臣任寄權衡若輔臣所用不賢何以責之卿寺言極剴切上爲之動容已與楊公士聰謀劾史堽堽去而陰毒遂中於先生己卯銜命封延津孟津兩王於禹州堽堽謀以成御史勇事牽連坐先生會堽死事寢陞南京國子監司業甫三日而漳浦黃公道周論武陵奪情拜杖信至先生遣太學生涂仲吉入都具橐餽涂上書爲漳浦訟冤于上怒嚴旨責問主使先生幾不免庚辰晉中允諭德癸未晉庶子甲申之變先生里居攀髯無從號慟欲自縊爲家人所覺朱太淑人抱持泣曰兒死其如老人何乙酉南中召拜少詹事加一級越兩月先生知天下事不可爲又與馬阮不合遂拂衣歸里一意奉父母

歡易世後杜門不通請謁每東南獄起常懼收者在門如是者十年
本朝 世祖章皇帝素聞其名會薦剡交上有司敦逼先生控
辭再四二親流涕辦嚴攝使就道難傷老人意乃扶病入都授祕書
院侍講國子監祭酒精銳銷爽輒被病弗能眠事間一歲奉嗣母之
喪南還 上親賜丸藥撫慰甚至先生乃勇退而堅臥謂人曰

我得見老親死無恨矣未幾朱太淑人沒先生哀毀骨立復以奏銷
事幾至破家先生怡然安之嘉議公八十而逝有幼女先生爲嫁蓋
先生天性孝友初登第後嘉議公勅理家事歲輒計口授食蕭然不
異布衣時俸入卽上之嘉議公未嘗有私畜也後析產與二弟均其
豐嗇舉無間言先生性愛山水游嘗經月忘反所居乃故銓部王公
士騏之賁園先生拓而大之壘石鑿池灌花時藥翳然有林泉之勝
與士友觴詠其間終日無倦色其風度冲曠簡遠令人挹之鄙吝頓
消與人交不事矯飾煦如陽春生平規言矩行尺寸無所踰越每以
獎進人材爲己任諄諄勸誘至老不怠喜扶植善類或懼无妄識與

不識輒爲營救士林咸樂歸之而於遺民舊老高蹈岩壑者尤維持
贍護之惟恐不急也先生之學博極羣書歸於至精有問經史疑難
古今典故與夫著作原委旁引曲證洞若指掌多先儒之所未發詩
文炳耀鏗錙其詞條氣格皆足以追配古人而虛懷推分不務標榜
尤人所難自□□沒後先生獨任斯文之重海內之士與浮屠老子
之流以文爲請者日集於庭麾之弗去一篇之出家傳人誦雖遐方
絕域亦皆知所寶愛雅善書尺牘便面人爭藏弃以爲榮所著梅村
集四十卷春秋地理志十六卷春秋氏族志二十四卷綏寇紀略十
二卷又樂府雜劇三卷先生生於明萬曆己酉五月二十日卒於今
康熙辛亥十二月二十四日享年六十有三寢門之哭學士大夫輒
失聲曰先生亡矣一代文章盡矣原配郁氏封淑人先公十五年卒
先生初未有子年五十後連舉三子曝隣暄尙齟齬有成人之志側
室朱氏出也女九人淑人出者四浦氏出三朱氏出二先生屬疾時
作令書乃自敘事略曰吾一生遭際萬事憂危無一刻不歷艱難無

一境不嘗辛苦實爲天下大苦人吾死後斂以僧裝葬吾於鄧尉靈
岩相近墓前立一圓石題曰詩人吳梅村之墓勿作祠堂勿乞銘於
人又勅三子若能效陳鄭累世同居之義吾死且瞑目嗚呼先生之
心事可悲也已是歲正月旦先生夢至一公府主者王侯冠服降階
迎揖出片紙非世間文字不可識謂先生曰此位屬公矣十二月朔
復夢數人來迎先生書期日示之故豫知時日竟不爽斯亦異哉湄
之先子與南郭西銘兩張公爲同社社中惟先生最年少湄又從先
生游者垂二十年而受先生之教爲深先生素羸弱善病輒自言不
久少壯登朝數忤權貴獎護忠直不惜以身殉之旣而陵谷貿遷同
事諸君子皆不免於難以死而先生優游晚節乃死人以爲幸然非
先生祈死之本懷也先生閱歷仕途雖未嘗有差跌而其危疑遘會
禍亂薦臻若天廣而無以覆地厚而無以載居恆苦忽忽不樂拂鬱
成疾以死是諸君子處其易而先生處其難千載而下考先生之本
末其猶將歛歔煩醒執簡流涕而悲不能自己也所謂天實爲之謂

之何哉湄與修郡邑志於先生例當有傳先生之從子曉以事狀屬
湄用敢掇摭遺佚附綴家乘之末立言君子尙有采於此云謹狀康
熙十二年七月二十一日

吳梅村先生墓表

澤州 陳廷敬 說巖

蘇州郡治西南三十里西山之麓有壙畢如者詩人吳梅村先生之墓也先生宦達矣行事卓卓著於官而以詩人表其墓者從先生志也先生諱偉業字駿公晚自號梅村五世祖凱前明永樂間舉孝廉官禮部主事年三十以養親乞歸遂不出世稱貞孝先生高祖愈成化進士官河南參政並見吳中先賢傳世居崑山曾祖南以善書授鴻臚祖議始遷太倉父琨能文章祖父皆受先生封爲中憲大夫先生少聰敏年十四能屬文里中張西銘先生以文章提唱後學四方走其門必投文爲贄不當意卽謝弗內有嘉定富人子竊先生塾中藁數十篇投西銘西銘讀之大驚後知爲先生作固延至家同社數百人皆出先生下弱冠舉於鄉爲崇禎辛未會試第一人廷試第二授編修是時年二十三耳制辭云陸機詞賦早年獨步江東蘇軾文章一日喧傳天下當時中朝士大夫皆以爲不媿云崇禎中黨事尤熾東南諸君子繼東林之學者號曰復社□□以東林之末響爲復

社先而先生西銘高第也西銘旣爲復社主盟先生又與西銘同年
舉進士故立朝之始遂已大爲世指名當是時淄川張至發烏程黨
也繼烏程而相剛愎過烏程先生始進卽首劾淄川奏雖寢不行其
黨皆側目頃之遷南京國子監司業時黃道周以事下獄先生遣監
中生涂某賚表至京涂伏闕上疏申理道周黨人當軸者以爲先生
指示使將深文其獄以中先生會其人死乃已旋奉使河南封藩丙
子典試湖廣當時號得士尋遷中允諭德丁嗣父艱服除會南中立
君登朝一月歸 本朝初搜訪天下文章舊德溧陽海寧兩陳相國
共力薦先生以祕書院侍讀徵轉國子祭酒尋丁嗣母憂歸於家時
年四十五先生旣無意於時年力尙強閉戶著數千百言而尤以詩
自鳴悲歌感激有不得於中者悉寓於詩時□□在□□先生居婁
東皆以詩倡海內海內宗之稱吳中二老余生稍晚不及見兩先生
讀兩先生詩如受教焉□□之後無聞矣而先生令子給事中暲以
詩世其家甲申余爲薦於 朝遊余門與論詩相得也丙戌冬丁其

生母朱安人艱將合葬泣而來請曰先生治命云吾詩雖不足以傳
遠而是中之寄託良苦後世讀吾詩而知吾心則吾不死矣□□□
□□□吾性愛山水葬吾於靈巖鄧尉間碣曰詩人吳梅村之墓足
矣不者且不孝曝不忍違先志敢請一言以表之按先生生前明萬
曆己酉以康熙辛亥卒年六十三元配郁氏先卒子三曝隣暄皆朱
安人出女子九人朱安人以康熙四十五年丙戌七月二十六日卒
與郁夫人皆附葬於先生之墓是爲表

按明史劉宗周傳涂仲吉漳浦人以諸生走萬里上書明黃道周
寃得罪杖譴表中監生涂某指此梅村梅花菴聯句有三千登

甲第四十到宮詹語侯朝宗書亦云仕至宮詹學士身列大臣而
表中止云遷中允諭德蓋不書福藩時之官爵也梅村吳母徐

太夫人壽序當幼洪爲給諫余亦官南中以母老歸養請急東還
卽表中所謂登朝一月歸也榆社張廷紳如哉曰按王如哉吳

母張太孺人墓誌云梅村聞嗣母張太孺人計於京邸待
奔赴其卒也順治丙申年十月十日時公年四十八歲又朱竹垞

跋綏寇紀略云梅村以順治壬辰館嘉興之萬壽宮輯綏寇紀略
越歲有迫之出山者遂補國子祭酒時公年四十五歲是癸巳徵

爲祭酒越四年丙申乃丁嗣母憂歸里也表謂尋丁嗣母憂歸於
家時年四十五者誤也公白母陳孺人墓志云蒙恩歸里再奉吾

母七箸者五年又秦母侯孺人墓誌云侯孺人庚子八月卒又一
年吾母至於大故則是公本生母朱淑人卒於順治十八年辛丑